

**Lik 17:5 Apòt yo di Jezi: Fè nou gen plis konfyans non.**

**Wòm 10:17 Konsa, se lè ou tandé mesaj la ou vin gen konfyans. Mesaj la, se pawòl Kris la y'ap anonse.**

**Lik 11:1 Yon lè, Jezi t'ap lapriyè yon kote. Lè I' fin lapriyè, yonn nan disip li yo di li: Mèt, moutre nou lapriyè tankou Jan te moutre patizan li yo.**

**1 Timote 2:1-4 Pou kommanse, m'ap mande pou nou lapriyè Jehovah pou tout moun. Fè I' tout kalite demann pou yo, mande I' padon pou yo, di I' mèsi pou yo. 2 Se pou nou lapriyè pou chèf yo ak tout lòt moun ki gen otorite nan men yo, pou nou ka viv frankil ak kè poze nan sèvis Jehovah a, ak yon konpòtman ki respektab sou tout pwen. 3 Se bagay konsa ki byen, ki fè Jehovah, Sovè nou an, plezi. 4 Li ta renmen wè tout moun sove, li ta renmen wè tout moun rive konn verite a.**

**Zakari 3:1,2 Apre sa, Seyè a fè m' wè Jozye, granprèt la, ki te kanpe devan zanj Seyè a. Satan menm te kanpe sou bò dwat Jozye pou I' te ka akize I'. 2 Zanj Seyè a di Satan konsa: –Se pou Seyè a regle ou, Satan. Wi, se pou Seyè a ki renmen lavil Jerizalèm lan regle ou! Nonm sa a tankou yon bout bwa tou limen yo kouri wete nan dife pou I' pa fin boule nèt.**

**Efèz 6:12 Paske, se pa ak moun nou gen pou nou goumen. Men, se ak move lespri ki nan syèl la, ak chèf, ak pouvwa, ak otorite k'ap gouvènen nan fènwa ki sou latè a.**

**Efèz 6:10,11 Pou fini, chache fòs nou nan lavi n'ap mennen ansanm ak Seyè a ak nan gwo pouvwa li. 11 Pran mete sou nou tout kalite zam Jehovah ban nou pou nou ka kenbe tèt anba riz Satan.**

**Efèz 6:13-17 Se poutèt sa, depi koulye a, pran tout zam Jehovah bay yo. Konsa, lè move jou a va rive, n'a ka kenbe tèt ak lènmi an. Lè batay la va fini nèt, n'a kanpe la byen fèm nan pozisyon nou toujou. 14 Pare kò nou: mare verite a tankou yon sentiwon nan ren nou. Pwoteje nou ak jistis Jehovah a tankou plak pwotèj sòlda yo mete sou lestonmak yo pou pwoteje yo. 15 Pou soulye nan pye nou, mete aktivite pou anonse bon nouvèl k'ap fè moun viv ak kè poze a. 16 Toujou pran konfyans nou gen nan Jehovah a tankou yon defans ki va penmèt nou pare tout flèch Satan an ap voye tou limen sou nou. 17 Resewwa pouvwa Jehovah k'ap delivre nou an tankou yon kas an fè nan tèt nou. Asepte pawòl Jehovah a tankou yon nepe Sentespri a ban nou.**

**Ebre 4:12 Pawòl Jehovah a gen lavi, li gen pouvwa. Li pi file pase kouto de bò. Li koupe jouk li jwenn kote nanm ak lespri moun fè yonn, jouk kote vyann ak mwèl zo kontre. Li jiye tout santiman ak tout lide ki nan kè moun.**

**Lik 4:8 Jezi reponn li: Men sa ki ekri: Se Mèt la, Jehovah ou, pou ou adore. Se li menm ase pou ou sèvi.**

**Efèz 6:18 Pandan n'ap fè tou sa, pa janm blyie lapriyè. Mande Jehovah konkou li. Lapriyè nan tout sikonstans avèk pouvwa Sentespri a. Se poutèt sa, pa kite dòmi pran nou, kenbe fèm nan sa n'ap fè a. Lapriyè pou tout pèp Jehovah a.**

**1 Samyèl 17:45-47 David di sòlda Filisti a konsa: -W'ap mache sou mwen avèk nepe, gwo frenn ak ti frenn. Men mwen menm, m'ap mache sou ou nan non Seyè ki gen tout pouvwa a, Jehovah lame pèp Izrayèl la. Se li menm ou te mete an defi vin goumen avè ou. 46 Jòdi a menm, Seyè a pral lage ou nan men m'. M'ap vide ou atè, m'ap koupe tèt ou. Lèfini, m'ap kite kadav ou ansanm ak kadav sòlda Filisti yo pou zwazo nan syèl ak bèt nan bwa manje. Konsa, tout moun nan peyi a va konnen pèp Izrayèl la gen yon Jehovah. 47 Wi, tout moun ki sanble isit la a va wè Jehovah pa bezwen ni nepe ni frenn pou delivre pèp li a. Batay la rele l' pa l'. Se li menm ki pral lage tout moun Filisti yo nan men pèp Izrayèl la.**

**Lik 10:17-20 Swasanndis disip yo tounen ak kè kontan, yo di li: Mèt, ata move lespri yo soumèt devan nou, lè nou pran non ou pou chase yo. 18 Jezi di yo: Mwen te wè Satan ap tonbe sot nan syèl la tankou yon zèklè. 19 Koute: Mwen ban nou pouvwa pou nou mache sou sèpan ak eskòpyon, pou nou kraze tout pouvwa Satan anba pye nou, pou anyen pa kapab fè nou mal. 20 Men, nou pa bezwen kontan dapre move lespri yo soumèt devan nou. Fè kè n' kontan pito dapre non nou ekri nan syèl la.**

**2 Korent 10:3-5 M'ap viv koulye a nan yon kò tankou tout moun, se vre. Men, mwen p'ap goumen menm jan ak tout moun. 4 Zam m'ap sèvi nan batay m'ap mennen an, se pa menm ak zam moun k'ap viv dapre lide ki nan lemonn yo. Zam mwen se zanm ki gen pouvwa devan Jehovah pou kraze tout gwo fò. M'ap kraze tout pawòl esplikasyon ki pa bon, 5 m'ap kraze tou sa lèzòm nan lògèy yo ap fè pou anpeche moun konnen Jehovah. M'ap mare tout vye lide ki nan tèt lèzòm yo, m'ap fè yo vin obeyi Kris la.**

**Matye 16:19 M'ap ba ou kle Peyi Wa ki nan syèl la. Tou sa ou va defann moun fè sou latè, yo p'ap kapab fè l' nan syèl la non plis. Tou sa ou va pèmèt moun fè sou latè, y'a kapab fè l' nan syèl la tou.**

**2 Timote 1:7 Paske, Lespri Jehovah ban nou an pa fè nou wont moun. Okontrè, Lespri Jehovah a ban nou fòs, renmen ak pouvwa pou kontwole tèt nou.**

**Matye 12:28,29 Men, si se avek Lespri Jehovah m'ap chase move lespri yo, sa vle di pouvwa Gouvènman Jehovah ki wa a gen tan rive sou nou. 29 Pesonn pa ka antre lakay yon nom vanyan pou volò byen l' yo, si li pa mare nom vanyan an anvan. Lè li fin mare l', se atò la kapab piye kay la.**

**Efèz 1:13 Konsa tou, nou menm, moun lòt nasyon yo, apre nou te fin tandé mesaj laverite a, ki vle di bon nouvèl k'ap fè nou konnen jan Jehovah delivre nou an, nou te mete konfyans nou nan Kris la, n'ap viv ansanm nan Kris la tou. Jehovah te make nou ak letanp li tou, li ban nou Sentespri li te**

**pwòmèt la.**

**Travay Apòt Yo 19:6 Apre sa, Pòl mete men sou tèt yo, epi Sentespri desann sou yo. Yo pran pale nan lang lòt peyi, yo t'ap bay mesaj ki soti nan Jehovah.**

**Mak 16:15-18 Epi li di yo: -Ale toupatou sou latè, anonse Bon Nouvèl la bay tout moun. 16 Moun ki kwè epi ki resevwa batèm va delivre. Men, moun ki pa kwè va kondannen. 17 Moun ki kwè va fè anpil mirak; y'a chase move lespri nan non mwen, y'a pale lòt lang. 18 Yo ta mèt kenbe sèpan, yo ta mèt bwè pwazon, anyen p'ap rive yo. y'a mete men sou tèt moun malad, moun malad yo va geri.**

**1 Jan 1:9 Men, si nou rekonèt devan Jehovah nou fè peche, nou mèt gen konfyans nan li. Paske l'ap fè sak gen pou fèt la: la padonnen tout peche nou yo, la netwaye nou anba tou sa ki mal.**

**Egzòd 20:5 Piga nou adore yo, ni piga nou sèvi yo. Paske mwen menm, Seyè a, Jehovah nou an, mwen se yon Jehovah ki fè jalouzi. Lè yon moun rayi m', mwen fè pitit li, pitit pitit li ak pitit pitit li yo peye sa.**

**Sòm Yo 109:17 Li renmen bay madichon. Se pou madichon tonbe sou li. Li pa renmen bay benediksyon. Se pou pesonn pa ba li benediksyon.**

**Jij Yo 16:16 Chak jou li rete la nan kò Samson, l'ap plenyen nan tèt li. Samson pa t' kapab ankò, rete pou l' te mouri.**

**Efèz 4:26 Si nou ankòlè, veye kò nou pou kòlè a pa fè nou fè sa ki mal. Pa al dòmi ak kòlè nan kè nou.**

**Wòm 14:12 Se konsa, chak moun gen pou rann Jehovah kont pou tèt pa yo.**

**1 Jan 2:23 Moun ki voye Pitit la jete, li voye Papa a jete tou. Moun ki rekonèt Pitit la, li rekonèt Papa a tou.**

**Jan 14:6 Jezi reponn li: Se mwen menm ki chemen an. Se mwen menm ki verite a, se mwen menm ki lavi a. Pesonn pa ka al jwenn Papa a si li pa pase nan mwen.**

**Matye 11:28-30 Vini jwenn mwen, nou tout ki bouke, nou tout ki anba chay, m'a soulaje nou. 29 Pran jouk mwen, mete l' sou zepòl nou. Pran lesion nan men mwen. Paske mwen dou, mwen toujou soumèt mwen tout bon devan Jehovah. Konsa, n'a viv ak kè poze. 30 Paske, jouk m'ap ban nou an fasil pou pote, chay m'ap ban nou an pa lou.**

**2 Korent 6:2 Paske, nan Liv la Jehovah te di: Mwen te koute ou, lè lè a te rive pou m' te fè ou gras la. Mwen te pote ou sekou, lè jou a te rive pou m' te delivre ou la. Enben, koulye a, men lè a rive pou n' resevwa favè Jehovah a; se jòdi a menm nou ka jwenn delivrans.**

**Wòm 10:13 Se sa ki ekri nan Liv la: Nenpòt moun ki rele non Met la gen pou jwenn delivrans.**